



Deinde secretarius generalis annuntiavit initium disceptationis de cap. II, et rogavit Patres locuturos ut ipsi summam rerum dicendarum tempore opportuno secretariae generali traderent.

Ex ordine ad loquendum de cap. II vocati sunt cardd. Franciscus Spellman, arch. Neo-Eboracensis, Ernestus Ruffini, arch. Panormitanus, Paulus Léger, arch. Marianopolitanus.

Hora 12,10 S. Evangelii codex repositus est. Praeses preces *Angelus... Agimus...* recitavit. Intimata a secretario generali proxima congregatione generali habenda die 30 octobris, coetui finis impositus est.

X

Congregatio generalis decima habita est die 30 octobris, feria III, hora 9 ante meridiem. Interfuerunt 2.257 Patres, nempe 75 cardinales, 5 patriarchae, 9 primates, 405 archiepiscopi, 1.662 episcopi, 9 abbates nullius, 12 praelati nullius, 80 superiores generales.

Missa de Spiritu Sancto celebrata est ritu romano a P. D. Iacobo Mangers, ep. Osloensi. Chorus Cappellae Sixtinae executus est cantus: *O sacrum convivium* (Bartolucci), *O salutaris hostia* (Bartolucci), *Dulce lignum* (Bartolucci).

Post Missam secretarius generalis intimavit: *Exeant omnes*, et P. D. Casimirus Morcillo González, arch. Caesaraugustanus, S. Evangelii codicem super paratum thronum statuit.

Post precem *Adsumus...* a praeside card. Bernardo Alfrink recitatam, secretarius generalis, proclamato primi praesidis nomine, legit nomina Patrum, qui loqui petierant de cap. II schematis *de sacra Liturgia*. Dein nuntiavit novam seriem pictaciorum vehicularium (francobolli) fore Patribus distributam.

Ad loquendum de cap. II schematis *de sacra Liturgia* ex ordine vocati sunt: cardd. Vilelmus Godfrey, arch. Vestmonasteriensis, Valerianus Gracias, arch. Bombayensis, Ioseph Bueno y Monreal, arch. Hispaniensis, Bernardus Alfrink, arch. Ultraiectensis, Alfredus Ottaviani, Augustinus Bea, Michaël Browne; Hermenegildus Florit, arch. Florentinus, Fridericus Melendro, arch. Nganchimensis, Custodius Alvim Pereira, arch. de Lourenço Marques, Stanislaus Lokuang, ep. Tainanensis, Paulus Rusch, ep. tit. Meloensis in Isauria, adm. ap. Oenipontinus, Georgius Dwyer, ep. Loidensis, Emmanuel Trindade Salgueiro, arch. Eboracensis, Carmelus Zazinović, ep. tit. Lebessenus, aux. Veglensis, Michaël Arattukulam, ep. Aleppeyensis, Ioannes Carolus McQuaid, arch. prim. Dublinensis, Angelus Fernandes, arch. tit. Neopatrassensis, coad. c.i.s.



Delhiensis, Carolus H. Helmsing, ep. Kansanopolitanus S. Ioseph, Hadrianus Ddungu, ep. Masakaensis, P. Sighardus Kleiner, abb. gen. S. Ord. Cist., Bernardus Stein, ep. tit. Dagnensis, aux. Trevirensis, Ioseph Hildefonsus Sansierra, ep. tit. Oriensis, aux. S. Ioannis de Cuyo.

Hora 12,15 S. Evangelii codex repositus est et praeses precem *Angelus...* recitavit pro pace in India. Secretarius generalis intimavit proximam congregationem habendam die 31 octobris, hora 9, et Patres dimissi sunt.

XI

Congregatio generalis undecima habita est feria IV, die 31 octobris, hora 9 ante meridiem. Interfuerunt 2.230 Patres, nempe 74 cardinales, 6 patriarchae, 9 primates, 396 archiepiscopi, 1.640 episcopi, 10 abbates nullius, 12 praelati nullius, 83 superiores generales.

P. D. Ioseph Lemieux, arch. Ottaviensis, Missam de Spiritu Sancto celebravit ritu dominicano. Chorus Cappellae Sixtinae exsecutus est cantus: *O sacrum convivium* (Bartolucci), *O salutaris hostia* (Bartolucci), *Ave verum* (Bartolucci).

Missa expleta, secretarius generalis intimavit: *Exeant omnes*, et P. D. Ioannes Villot, arch. tit. Bosporanus, coad. c.i.s. Lugdunensis, S. Evangelii codicem super paratum thronum statuit.

Card. Eugenius Tisserant, primus praeses, precem *Adsumus...* recitavit. Secretarius generalis, proclamato nomine primi praesidis, nomina retulit Patrum, qui loqui postulaverant, et nuntiavit distributionem numismatum argenteorum, quae ob initum Concilium Oecumenicum cusa sunt. Dein monuit Patres cardinales, qui secum cappas non detulissent, Cappellae Papali die 4 novembris interesse posse cum mantelletta et mozzetta. Tandem rogavit omnes Patres ne in aula conciliari distribuerent circulares privatas nisi de consensu consilii praesidentiae.

Ex ordine ad loquendum de cap. II schematis *de sacra Liturgia* vocati sunt: cardd. Iacobus Lercaro, arch. Bononiensis, Franciscus König, arch. Vindobonensis; Placidus Cambiaghi, ep. Cremensis, Franciscus Jop, ep. tit. Dauliensis, Raimundus Iglesias Navarri, ep. Urgellensis, Ioannes Nuer, ep. tit. Phatanensis, aux. Thebanus, Narcissus Jubany Arnau, ep. tit. Orthosiensis in Phaenicia, aux. Barcinonensis, Ioannes B. Przyklenk, ep. Ianuariensis, Albertus Devoto, ep. Goyanensis, Laurentius Satoshi Nagae, ep. Urawaensis, Paulus Hallinan, arch. Atlantensis, Laurentius Jäger, arch. Paderbornensis, Aloisius da Cunha Marelím, ep. Caxiense in Maragnano, Ioannes Weber, arch. Argentinensis, Arturus Elchinger, ep. tit. Antandrinus, coad. Argentinensis,